

清季外交史精

卷五十五 五十五 五十五 五十五 五十五
二 十 八 卅

明季作方志序

卷一百一十五
明季作方志序

清季外交史料卷五十五

光緒十一年二月中

目錄

諭李秉衡着查馮子材王德榜軍情及挫敗情形電二月初八日

總署奏各國使臣來署賀年片十一日

直督李鴻章致樞垣潘鼎新電稱越防大捷爲用兵以來所未有電

附諭旨二件十二日

軍機處奏酌覈赫德所遞法國擬訂善後事宜摺十四日

督辦福建軍務左宗棠致樞垣臺軍接戰失利電十四日

彭玉慶張之洞等致樞垣報越防軍情電十五日

使英曾紀澤致總署諒山克茹相革宜乘機議和電十五日

直督李鴻章致總署法復提和議重在通商電十五日

督辦福建軍務左宗棠致樞垣向匯豐借款百萬磅電十五日

使英曾紀澤致總署英兵赴阿富汗俄兵集波斯電十五日

辦理援臺事宜邵友濂致樞垣諒山克復法統領受傷電十五日

粵督張之洞致樞垣越防大戰法人傷斃頗多電十六日

諭寄鮑超着赴保樂相機援勦電二件十七日

旨着岑毓英等穩紮穩守電十七日

直督李鴻章致樞垣據潘鼎新報克復諒山電十七日

粵督張之洞致樞垣王德榜頗勇不可遽罷其兵並戰勝情形電二

件十七日

總署奏照錄李鴻章等因日韓事來函呈覽摺

附函稟七件及韓王咨文并上筆談十七日

辦理援臺事宜邵友濂致樞垣法統領斃命孤拔據澎湖電十八日

旨寄蘇元春等着確查諒山之役王德榜攻戰情形電十八日

桂撫潘鼎新奏楊玉科陣亡及克復南關摺十九日

旨寄左宗棠着將王詩正失事情形據實參奏摺十九日

旨寄蘇元春等南關之役王德榜是否身在行間着查覆電十九日

直督李鴻章致樞垣劉銘傳楊昌濬報臺防危急並澎湖失守電二

件十九日

使英曾紀澤致總署英據朝鮮濟州俄必不服電二十日

使英曾紀澤致總署詢如何方可與法和乞示電二十日

使法許景澄致總署赫議各條已在巴黎畫押電二十日

滇督岑毓英奏詳陳越防勝敗情形摺附上諭二十日

滇督岑毓英奏鎮南關失守龍州甚危片二十日

滇督岑毓英奏我軍器械不精糧饟不足情形片二十日

諭法允修好各路軍營着撤回邊境電二十一日

清季外交史料卷五十五

黃巖弢夫王彥威輯

男希隱亮編

孫孝章敬立校

諭李秉衡着查馮子材王德榜軍情及挫敗情形電

上諭王德榜自赴廣西寸功未立上年派署提督堅不受篆意存推諉去冬挫敗未加嚴譴尙冀其自知愧勵勉圖功乃本年正月南關之戰據潘鼎新電稱馮子材王德榜二十八營飛催不至掣肘萬分等語究竟該兩軍因何飛催不到並王德榜挫敗退縮情形着李秉衡秉公確切查明據實具奏二月初八日

總署奏各國使臣來署賀年片

奕劻等片 再本年各國駐京使臣至臣衙門賀年經臣等查照光緒元年十二月初十日奏案知照各部院大臣訂期於正月初九日會晤是日美國使臣楊約翰英國使臣巴夏禮俄國使臣博白傳比國署使臣米師麗各偕其繙譯官等來臣衙門臣等當與各部院大臣公同接見訖所有各部院到署與未到署各員分別開具清單恭呈御覽是日德國使臣巴蘭德因病未至遣其參贊官克林德來日本使臣榎本武揚亦因病未至遣其參贊官島田允則來均在臣衙門會晤爲此附片謹奏光緒十一年二月十一日奉旨知道了

直督李鴻章致樞垣潘鼎新電稱越防大捷爲用兵以

來所未有電

附諭旨二件

桂撫潘初九日電初七法寇大股分三路進關猛攻馮提王鎮營壘鏖戰良久失礮臺三座馮王戰愈力申刻蘇提蔣提援兵大至合力堵剿大獲勝仗迫賊出關割斬首級百餘傷賊一千餘人奪獲象隻駝馬鎗礮多件自越中用兵未有如此大捷者王藩司在東路聞亦獲勝但尙未報到二月十二日奉上諭潘鼎新奏各軍鏖戰大獲勝仗等語本月初七初八兩日敵兵在鎮南關外分路進攻馮子材王孝祺兩軍立即迎擊蘇元春與蔣宗捷率師馳援各軍合力堵剿大獲勝仗殺傷千餘名奪獲象馬鎗礮多件當將敵兵擊退將士奮勇可嘉着蘇元春李秉衡優給獎賞以示鼓勵

旨據潘鼎新電稱初七八日勝仗本日已降旨宣示所獲象隻准其解京出力各員蘇元春李秉衡查明請獎王德榜東路獲勝情形並着查奏該軍已飭歸蘇元春接統如敵軍東犯各軍應如何互相援應力保巖疆着蘇元春調和將士悉心布置二月十二日

軍機處奏酌覈赫德所遞法國擬訂善後事宜摺

軍機大臣醇親王臣奕譞慶郡王臣奕劻等奏爲請旨事竊臣等公同酌覈赫德所遞法擬善後事宜謹分條詳議恭呈聖覽如蒙俞允卽交總理衙門分別辦理謹奏光緒十一年二月十四日

照錄赫德呈遞法國所擬善後專條

一、中國奉旨允准津約即將北圻各防營調回邊界彼此停戰由兩

國速電各處軍營將官照行以免歧誤法國不得擾中國邊界

一、中國之兵調回邊界之文一到法國即開臺灣及北海封口並派大臣前來會同中國所派之大臣商訂修好通商詳細條約並訂法兵由臺灣回國日期

一、兩國大臣會商之時兩國言明彼此將調兵以及運軍火前往臺灣等事停止不辦

一、詳細條約商妥由兩國批准後法國即將搜查海面兵船全數撤回本國

再擬和之三條內第一條法國於津約外別無所索茹斐禮改作別無他意只欲將津議各條施行照辦其餘未改一字法國特派與稅

務司金登幹畫押之大臣係外務衙門侍郎畢樂

查第一條彼此停戰由兩國速電各處軍營將官照行誠恐兩國電信到有遲速且有電報不通之處以致歧誤擬改爲彼此訂明停戰日期由兩國速飭各處軍營將官照行

查第二條中國之兵調回邊界之文一到法國卽開臺灣及北海封口等語擬准其照辦惟廣西關外之兵調回甚近雲南則兵數多而路又遠斷難同時撤盡必須兩國訂明日期停戰之期宜速撤兵之期宜寬旣免參差歧誤且計滇桂撤盡之時條議亦可屆期議妥距彼撤基隆之期亦不相先後矣

查第三條兩國會商之時彼此停運軍火前往臺灣一節但臺灣乃巡

撫鎮道駐紮之地尋常操防運解軍火與戰事無涉擬令赫德再與言明不在停運之例

查第四條詳細條約商妥由兩國批准後法國即將搜查海面兵船全數撤回本國查現在兩國議定條約真心和好如法國兵船不即撤回迹近要挾於中法兩國體面均有關礙且海面搜查尤於各國商船不便擬改爲兩國訂明停戰日期法國即將搜查海面兵船全數撤回本國又法國必欲照此條約辦理則中國開通海口等事亦應俟法國兵船全數撤回後再行辦理

督辦福建軍務左宗棠致樞垣臺軍接戰失利電

據劉璈稟探報十九之戰係蘇軍接應曹軍乃直向曹軍前與敵戰不

勝而潰曹軍亦相繼潰二十日法兵在深澳坑月眉山脚攻大水窟義勇營盤義勇伏濠內奮禦林朝棟及曹軍共千餘爲接應寇由月眉山攻我軍煤廠張仁熙帶奮勇抄月眉山尾曹軍爲接應戰兩時久彼此傷亡甚多王詩正韋良成二營六成隊接應抄月眉山後路進至山頂奮勇奪回險隘二十一早寇分路攻擊一由月眉山直冲上大坑坡用大礮擊退威良兩營曹志忠接應又被擊敗即退紮大水窟寇分三路攻暖暖街義勇均退散淮楚各軍血戰自卯至未士卒死傷約千餘收隊退回五六堵云云當即催程文炳及厚帥軍速進云二月十四日

彭玉麟張之洞等致樞垣報越防軍情電

北海自正月二十二來法兵船二泊距岸七里之南萬後增至七艦大

約七艦守二艦巡至今日皆同初八敵船向我營開兩大礮幸未傷人岸無礮惟有預備陸戰前聞廉急因桂軍共有四十五營故擬調馮軍旋聞法擾加坡芴蒔揣桂邊喫緊馮必難移或但遣兩營回廉馮覆兩營亦難移潘覆俟蘇自西路回易馮李秉衡電紳民公呈乞留馮因定計不調飭欽廉營均歸馮統調言馮不日親到聊安衆心今南關大戰馮當中路前敵更難動凡事不能兩全惟有先其所急諒山若克廉州當復隨時與蘇李商酌請代奏

二月十五日

使英曾紀澤致總署諒山克茹相革宜乘機議和電

諒山克茹相革刻下若能和中國極體面稍讓亦合算似宜趁法新執政初升時速辦

二月十五日

直督李鴻章致總署法復提和議重在通商電

林電去後尙未接覆頃林來面稱昨由巴函致茹電云越境盡爲法所有則可在越罷兵不索兵費須將通商利益說明法已據內地處所應俟商定詳細條約再退還等語看電意重在通商利益三條與赫三條微異云二月十五日

督辦福建軍務左宗棠致樞垣向匯豐借款百萬磅電
據匯豐洋行稱接英公使電必欲借一百萬磅扣成上海規平銀三百九十三萬四千四百兩零非此不能辦現臺北待餉急祇好將原約添改其行息諸款照舊該行又必俟英公使電命交銀始能交乞知照力催二月十五日

使英曾紀澤致總署英兵赴阿富汗俄兵集波斯電

倫敦十一電英海部諭令所有可調之兵船豫備調用刻下在印度大爲豫備兵士以便赴阿富汗邊界以南之基達博地方集中云又聞俄調兵五萬總集波斯附近之巴苦地方二月十五日

辦理援臺事宜邵友濂致樞垣諒山克復法統領受傷

電

今夜晉源報云諒山已克復法兵傷亡無算法統領尼格里亦受傷殘兵近駐河內云二月十五日

粵督張之洞致樞垣越防大戰法人傷斃頗多電

唐景崧報接岑督函令速保牧馬刻約已到自扣坡法匪被馮軍擊退